

जरो र किलो नेपालारी मुवा मौलिक रैथाने शक्तिय आह्वानपत्र
न्हिय ख्योमा

नेपाल संसारे झेउनुभिवा पैलेवा देशमध्ये एक हिन् । छु भिसिवा महाभारतकाल भिहवा नि पैलेवा रामायणकाभिहवा न्हि पैलेवा देश राज्य-राष्ट्र हिन् । चुय सिमारी फेरबदल तासिम् शासनलावामा फेरिसिम तै नि राज्यराष्ट्रय रुपरि चुय अस्तित्व भिसिवा बैदिक -कालकहंासु नै मु । हजारौं हजार नेपाल य सार्वभौमसत्ता, स्वतन्त्रता र स्वाधिनाता य ा हिमाल, पहाड र तराई नेपालय अवयव य रुपरी तासिम जैले नि ।

इतिहासय झेउनु : जम्मै कालखण्डरि न्हिमय देश समृद्ध, शक्तिशाली, वन्सङ्क मु । तर तिनिय अवस्थारी देशे अवस्था खावामु भिवा ताम जम्मै य वन्सङ्क मु । संकट य अवस्था कहांस ह्यावा बेलारी न्हिमय देशे आगारवा स्थिति स न्हिमारा पिडित लासिम । झगडा अराजकता हाहाकार मनअपारिना , द्वेष , वैमनस्य, !! असुरक्षा , अशान्ति त्राहित्राहि, कारावा, चिन्ना !! भ्रष्टाचार, चोरीलाना काल्चेक्हार, मंहंगी !! क्हारहारेवा सुमय देश पिरशिर ह्यावा, उदाश तावा, ! गरिबी रोग खेना , शोक !! आगारावा क्हार अन्याय, अत्याचार, शोषण, दमन, असमानता (बराबर हारेना) !! खै खनिमिय सुमय चित्त बुझावा कहाला ? चुरी सुय न्हे दोष ? सुस पार्झी न्हिमारा चु कहाला री ?

झेउनु गारावा नेपालीस गम्भीर तासिर टुङ्गो लावा बेला खासिम न्हिय देशरा हसरा नै ठानावा कि गारावा लावा बेला खासिम । न्हिय देशरा हसरा नै ठानावा कि गारावा लावा भिसिर ? न्हिमास अब सोचिवा नै ता रोजिवा अध्यारो कि उज्यालो भिसिर ? न्हिमास अब सोचिवा नै परिम - न्हिस सु क्यार पारावा भिसिर ! नेपाल य तिनिय समस्या पत्ता लाईसिर नेपालरां फेरि नि - संरचनाय झेउनु भन्दा वन्सङ्ग पारिवा परिम - हचय निम्ति न्हिमास गारावा नीति र नेतृत्व हचु दुवैरी गारावा तावा परिम । जरो र किलो नेपालारी नै मुना न्हिमय मौलिक रैथाने वाला नै न्हिय देश य निम्ति झेउनुभन्दा गारावा टुङ्गो हिन्हे कि भिवा बेला खासिम ।

नेपालरी तिनिय बेलारी भसक्कै शक्तिरी र हचय दार्शनिक मान्यता सिद्धान्त वाद रणनीति कार्यनितीय जांच जरा य र किलो य कसिरी लावा परिम । हस्सारालाई भिला न वल्ल जम्मैसं या यम नेपाल य लागि सुम नीति र नेतृत्व गारावा ताम भिसिर ।

जरो : उद्गम, मौलिकता, स्थानीयता, सान्दर्भिकता, सुमय, सवाल । न्हिय जन्म खनी तासिवा न्हे ? सैद्धान्तिक, व्यवहारिक, रुपरी न्हिय "जरो" नेपालरी न्हे कि खनी न्हे ? अब जांच लाय सुय जरो र किलो खनी न्हे ?

किलो : नेकपा (एमाले) र एनेकपा (माओबादी) जन्मी कम्युनिस्ट घटकम्हा नेपाली कांग्रेस र मेरे जम्मै घटकम्हा, राप्रपा र राप्रपा नेपाल मरे जम्मै पुर्वपंच घटकम्हा नानै हिन् भिवा मधेशवादिम्हा, जनाजातिनादिम्हा जम्मैसं पालोपालोरी शक्तिय प्यादा बनिसेवा यथार्थसं चुमय किलो खनी मिया भिना न्हियसामु चु झेउनु पार्टिसं । कोई दक्षिण , उत्तर, पश्चिम, अनि कोई पुर्व किलो गाडिसिवा तासिर खनी स्वतन्त्र - स्वाधीन तामे ? घरिघरि सत्तारुढ तासिवा हाइन र चहुमा ? घरि घरि सत्ता यावां बेलारी बेईमान लावाम्हा चुम्हा नै हाइन र ? अब सुय जांच लावा बाकि मिय र ? चु बेलारी पनि अब हचुमय या री देश य जिम्मेवारी पिनावा न्हिमय दुर्भाग्य हिन् भिवा झेउनु य वन्सङ् छर्लङ्ग तासिम ?

राजनैतिक प्रक्रितीय पार्टी , संघ, संगठनमय जरो र किलो य कसिरी जान्चिसिर आताम, चुरी न सुमय धर्म संस्कृति, अर्थतन्त्र, शिक्षा, स्वास्थ्य क्हार पनि कहलारी मरे शक्तिम्हय बिगबिगी मु । बैदिक सनातन धर्म (जुनला न्हिमास हिन्दु संज्ञा पिनुवा लासिम) य साथै बौद्ध , किरात, जैन, बोनजस्ता धर्म चु देशय मौलिक रैथानेमा हिन् । नेपाल य पहिचान चु देश य मौलिक रैथाने धर्मकहासं तावा री न्हिमा दृढ मु । संस्कृति अर्थतन्त्र शिक्षा स्वास्थ्य, मय क्षेत्ररी पनि जरो र किलोय कसी लगईसिर व्यवहार लावा बान्छनीय मु । मरेरी जरो र किलो लासिवा मरे शक्तिम्हा जम्मै क्हेलारी नि मु चुम्हारा पत्ता लासिर चुमय आगारावा प्रभाव खत्तम परिवा अत्यन्तै जरुरी मु र सुम्हारा गारावा लावा चिजय न्हिमा ठिक लासिर सुमस पछ्यावा वैज्ञानिक दृष्टिकोण निम्हारु तावा जरुरी मु । चु बेलारी नेपालरां चाईसिवा भिना 'जरो' र 'किलो' दुवै नेपालरी मुना मौलिक रैथाने शक्ति हिन् ।

विज्ञानय बुद्धि प्रविधि य प्रगति

धर्म य विवेक सहृदयता य सम्बन्ध

विकास न्याय स्वाधिनाता सम्रिद्धीरी नेपाल य

सहृदयी तराई मधेस पहाड र हिमाल य

सहृदयतास नेपाली सांस्कृतिक चेतना या साझा आत्मचेत या आधार री जम्मस चिनिसेवा एक नेपालीजाति अवधारणारा प्रवर्धन लावा री नै न्हि जम्मै या हित मु । नेपाल देश कोई एक जात वा जाति वा जनजातिय, कुनै एक वर्ग विशेष या घञ्च

आतासिर भिन्नभिन्न जातिय एक साझा रुप हिन् र चु जम्मै य संयोजन तासिर एउटा राज्यराष्ट्र (स्टेट नेसन) य रुपरी विकसित तासिवा लासिर जम्मै जातिसमुदाय जम्मै भासिक समुदाय जम्मै धार्मिक समुदाय य सहभागीतारी बनिस्वा सिंगो रुप भिसिवा एक नेपालीजातियतारी इमान्दार तावा नै राष्ट्रियता य बलियो कहार हिन् । राजनीति (शासनतन्त्रमुवा) अर्थतन्त्र, शिक्षातन्त्र, स्वास्थ्यतन्त्र, कृषितन्त्र, संस्कृततन्त्र, समाजतन्त्रमा जम्मै य जरो र किलो नेपालरी नै सुनिश्चित मुवा रैथाने प्रणाली य सुनिश्चितता य लागि चु अभियान हिन् । विज्ञान (बुद्धि) अत्याधुनिक प्रविधि (प्रगति) धर्म (विवेक) र सहृदयता (सम्बन्ध) रा अवलम्बन लावा हिन् । भिलान न्हिमस सुमय मुलरु अविच्छिन्न तावा संसार य झेउनुभन्दा बन्सङ एवं केन्द्र ताना हिन् न्हिमा ।

न्हिमय लक्ष्य भिसिवा "वैज्ञानिक सत्ययुग" हिन् । न्हिमय तात्कालिक स्यानु लक्ष्य भिसिवा सुमय देश य लागि अनुपयुक्त राजनीतिक एवं आर्थिक दर्शन सिद्धान्त वाद प्रणाली रणनीति कार्यनीति आदि य निराकरण तथा अयोग्य नेतृत्व प्रादान लार्के खासिवा राजनीतिक, सामाजिक, सांस्कृतिक, आर्थिक, शैक्षिक आदि संगठन मय विकल्परी चु देश य निम्ति झेउनुभिवा उत्तम राजनीतिक एवं आर्थिक, आर्थिक, दर्शन, सिद्धान्त, वाद, प्रणाली, रणनीति, कार्यनीति आदिय साथै योग्य नेतृत्व सुनिश्चित लासी नेपाल य सर्वांगीण परिपूर्ण लावा हिन् । चु बेलारी युगान्तकारी एवं युगपरिवर्तनकारी सकारात्मक क्रान्तिय पक्षरी ह्यावा बेला खासिम । चु महान दायित्व अनुरूपी भूमिका पिनावा लावा भिसिर जरो र किलो नेपालरी मुवा मौलिक रैथाने शक्ति खडा लावा परिसिम । आगारावा र पैलेवा कहार हारेवा बिवादरी अपरिए । पैलेक्हासं गारावा चैं कहावा र आगारावाचैं ख्यालावा लाने ।

आधुनिकतम विज्ञानकहासं प्राचीनतम ज्ञानसम्म य सुसंयोजन : वैज्ञानिकतायुक्त धर्म धार्मिकतायुक्त विज्ञान भौतिक उन्नति लावा जरुरी खाचो मु मानसिक उन्नति लावा परिम आध्यात्मिक उन्नति पनि लावा परिम । आधिभौतिक, आधिदैविक, आध्यात्मिक आयाममाया समष्टि नै मानव जीवन हिन् । न दक्षिण न उत्तर न पश्चिम न पूर्व मरे य भर परिवाम्हारा खाइराखिम दुःख कष्ट । मरेया निगाहरी सोवा हाईन , स्वावलम्बी स्वाधीन समृद्ध बनवा हिन् न्हिमय देशरां ।

आर्थिक समृद्धि , लेसङ्ग रू ह्यावा विकास न्याय शिक्षा स्वास्थ्य रोजगारी य राजकहासं न पुरा प्रत्याभूति । राष्ट्रिय एकता अखण्डता सार्वभौमसत्ता स्वाधिनता " बसुधैव कुटुम्बम " सार्थक पारिना खाम्वा लासिर अन्तराष्ट्रिय नेतृत्व लावा तयारी लावा परिम । न्हिमय प्राथमिकता सिर्जना, निर्माण, विकास, प्रगति उन्नति समृद्धि न्याय एकता शान्ति स्वाधिनता सहृदयता ...(मरे सुमास थपिकै ह्याने) न्हिमासं आह्वान लाम - जरो र किलो नेपालरी नै तासिवा मौलिक रैथाने शक्ति य अभियानकारी न्ह्या नि सहभागी ताने जम्मै मिमिसिएर चु सहकार्य लाभ । समाज राष्ट्र विश्वप्रति य कर्तव्य निर्वाह लावा चु महायज्ञरी नम्ह्य) उपस्थितिसं खास अर्थ थानाम । चु अभियानारी न्हमारा स्वागत मु । उनसङ्ग खाने चु युग न्हिमय हिन् ।

अनुवादक : माया छन्त्याल थापा